

Prava robova

[Bosanski – Bosnian – بوسني]

Dr. Ahmed b. Osman el-Mezjed

Prijevod:

Senad Muhić

Revizija:

Ersan Grahovac

2013 - 1434

IslamHouse.com

﴿ حقوق الرقيق ﴾

« باللغة البوسنية »

د. أحمد بن عثمان المزيد

ترجمة:

سناد موهيتش

مراجعة:

أرسان غراهوفاتس

2013 - 1434

IslamHouse.com

Prava robova

Poslanik, sallallahu alejhi ve sellem, je poslan društvu koje je je bilo sačinjeno od robovlasnika i robova. Robovima nije pripadalo nikakvo pravo, bilo da se radi o imovinskom, socijalnom ili političkom. Poslanik, sallallahu alejhi ve sellem, je podigao njihov status i podsticao na njihovo oslobađanje, te za takve postupke obećao velike nagrade (sevape).

Jedan od Poslanikovih, sallallahu alejhi ve sellem, savjeta u pogledu robova bio je: **„Bojte se Allaha u pogledu onoga što posjedujete.“**¹

On je kazao: **„Vaši robovi, vaši robovi. Hranite ih onom hranom koju vi jedete, oblačite ih onom vrstom odjeće koju vi oblačite. Ako urade neku neposlušnost koju vi ne želite da oprostite, prodajte ih, a nemojte ih mučiti.“**²

Također je rekao: **„To su vaša braća koja vam služe i koju je Allah učinio u vašem posjedu. Onaj koji bude imao svoga brata po vjeri kao roba, onda neka ga hrani hranom koju on jede i i neka mu daje odjeću koju on oblači, i neka ga ne opterećuje onime što ne**

¹ Ebu Davud, br. 4489., i Ahmed, br. 552.

² Ahmed, br. 15813.

može podnijeti, a ako ga optereti sa nečim što ne može podnijeti neka mu pomogne.³

Također je kazao: „**Ko nepravedno udari roba, bit će mu vraćeno na Sudnjem danu.**“⁴

Rekao je i: „**Ko ošamari ili udari svoga roba, mora ga osloboditi da bi se otkupio.**“⁵

Poslanik, sallallahu alejhi ve sellem, je podsticao na oslobodanje robova rekavši: „**Koji god musliman oslobodi drugog muslimana, on će mu biti otkupnina od Vatre, i biće nagrađen za svaku njegovu kost, a koja god muslimanka oslobodi drugu muslimanku, ona će joj biti otkup od Vatre i biće nagrađena za svaku njenu kost. A koji god musliman oslobodi dvije muslimanke, one će mu biti otkup od Vatre i biće nagrađen za svaku njihovu kost.**“⁶

Od Abdullaha b. Amra se prenosi da mu je došao kahreman (menadžer) i upitao ga: „**Da li si svojim robovima dao hranu?**“ Odgovorio je: „**Ne.**“ Tada kahreman reče: „**Idi i daj im hranu, jer je Poslanik, sallallahu alejhi ve sellem, kazao: 'Dovoljno ti je grijeha da uskratiš hranu onima koje posjeduješ.**“⁷

³ Buhari, br. 2359., i Tirmizi, br. 1868.

⁴ Sahihu-l-edeb-l-mufred, br. 134.

⁵ Muslim, br. 3130., i Ebu Davud, br. 4500.

⁶ Tirmizi, br. 1467., i Ebu Davud, br. 3453.

⁷ Muslim, br. 16629.

I rekao je: „Allah će kazniti svakog onoga ko bude kažnjavao ljude na ovom svijetu.“⁸

⁸ Muslim, br. 4734., i Ebu Davud, br. 2648.